

冬心先生集

予賦性幽賈少耽索居味道之樂有田幾稜屋  
數區在錢塘江上中爲書堂面江背山江之外  
又山無窮若沃洲天姥雲門洛思諸峯嶺羣欲  
褰裳涉波暉就予者於是目厭煙霏耳飽瀾浪  
意若有得時取古人經籍文辭研披不間昕夕  
會心而吟紙墨遂多然猶不自慊近交里閭二  
三能言之士大抵多與予同其好林壑間僞僧  
隱流盃單瓢笠之往還復饒苦硬清峭之思相  
與攄發抉擷盡取高車影纓輩所不至之境不  
道之語而琢之績之由是世遂比數予於詩人

予翻然秘匿懼其隘而不廣於見聞直而不愜  
於比興瘠而不腴於枝葉笑覆陸機之詆屢矣  
或有躋予於鉅公派別者予曰昔徐師川不深  
附西江張伯雨能超乎鐵雅詩固各有體趨今  
何如則古邪廼鄙意所好常在玉溪天隨之間  
玉溪賞其窈眇之音而清豔不乏天隨標其幽  
遐之旨而奧衍爲多然寧必規玉溪而範天隨  
哉予之詩不玉溪不天隨即玉溪即天隨耳比  
長年來益爲汗漫遊徧走齊魯燕趙秦晉楚粵  
之邦或名嶽大河傾寫胸臆或荒臺侈殿振觸

古懷或雨零風歎感傷羈屑或筆人酒徒飛揚  
意氣境會所遷聲情隨赴不諧衆耳唯矜孤吹  
此則予詩之大凡也孤露以後舊業隨廢欲求  
天隨子松江通潮之田小雞山之樵薪已不可  
得旅食益困念玉溪生有打鐘掃地爲清涼山  
行者誓願因示誓願五十之年便將衣襪入林  
得句呈佛以送餘生遂發憤將舊藁刪削編晉  
都爲四卷寫一淨本付之鏤木家自今有索冬  
心先生而望岫息心者得不披對此集乎冬心  
先生者予丙申病牀江上寒宵懷人不寐申旦

遂取崔國輔寂寥抱冬心之語以自號今以氏  
其集云雍正十一年十月錢塘金農自序

寒心先生四十歲小像



廣陵高翔寫

堯之外臣漢逸  
民著簪韋帶  
不諱貧疎髯  
高顙全天真半  
生舟楫蹄與輪  
詩名到處傳千  
春蒲州鐫仲益  
題

冬心先生集卷第一

錢塘金 農 壽門

予處田野與物無爭賦雜體一章頌稼事  
也遍爲告誡以當農謠

蠶桑月令過芒種天所予老巫卜瓦卦請驗古  
諺語勤懇穰穰興田家苦驕陽行禱不雨厄勸  
龍各一觴跼蹐復跼蹐龍阪筋力顫鞭箠爾雖  
長寧識牛性善西埭比戶忙窄衣只掩骼鬲泥  
三尺渾朝來喧築壩王命布農事秋收戒其荒  
曖曖墟中煙五里聞炊香太歲值豐年出入皆



大吉督工邨夫子風俗耻貨殖

月夜叩澗禪師講堂

去天只一握峯勢儼西華歛聞雲脚香蒼蒼滿  
牀下二十五條衣吾師諦妙義住于忍界中不  
唾琉璃地禪定靈鷲棲客心生幽怖破寺寒月  
來水光千萬樹僧回念夙緣今宵侍瓶鉢悄聽  
鄰鐘聲合掌亂山謁

雪中懷會稽陶十二幼雅

山雪白皚皚郊扉晝不開嬾爲洛陽卧誰共霸  
陵杯窺礪鳥聲合入林江影來遙思嚴長史清

嘯杏娥臺

寄吳丈允嘉

北郭依喬木青山屬隱君  
心知白雲妙書愛衆香  
熏草閣編遺集澎湖采  
舊聞猶誇健如犢課子  
事耕耘

楊知陳章見過冬心齋予出漢唐金石捐  
本二百四十種共觀

空巷草根苦遭此秋雨屯離披一尺長  
那知中有人守窮如守盟向壁獨弔影  
書家得申韓二子欣造請聖唐與神漢  
文字古所敦吉金貞石

志辨證菟株源嗟嗟暝色催客去倚江渚炊煙  
飢不生寒雞各上距

碧瀾堂寄王豫

酒漉紗巾春甕開碧瀾堂外望滌河此閒絲竹  
聲淒唳善病王郎竟不來

雨後獨步池上

煙際曳筇人掩關繞行池上夜忘還萍萍剛得  
雨吹散吐出月痕如破環

盧圻港

瓜皮艇子水黏天認得盧圻港口煙一巾霜叢

有人語晚風撐到卧牀前

若溪曲二首

淨綠瓜瓢嫩揉藍草汁熏光明河畔水好與染  
羅帶

下若翠物香細嘗淡爲貴但能通顏色何必沙  
糖味

題貞曜先生集後

苦詞峭刻寡情懽孟保荒迷石井闌一尉終身  
貧至此溪堂草木笑清寒

同鮑十四明府鈐高十一秀才岳過夾山

漾舟中阻風

先生解官印快遊心目開我已一笑諾况攜杜  
秀才單櫂入鏡行春波宛南浦煥翠浮嵐中活  
脫峯伍伍長林夾山漾修坂小康邨如何寂莫  
意展望傷客魂青冥變茫蒼纖末從雲起只此  
十里閒愁風復愁水

雙林晚景

若練吳波折復迴遙岑悄沒夕陽催絕無人影  
橈聲過蘋葉中間一道開

曲江之上先人敝廬在焉積疴初勸雜書

六首

門庭就衰落彈指等浮漚  
美非廣絕交客肯浪見投  
戀戀兩黃大蕭蕭一蒼頭  
自拾甌中塵貧窶忘苟求  
麻薄葛屨疎摧燒各悲秋

七八月之間胡爲抱積癰  
酒庫麴蘖荒相思屢欠呵  
比無俗喧逐耳目成嬾惰  
野花墻匡生暗泉牀下過  
嫋嫋涼葉飛虛堂枕手卧

鄉里時問疾幼女戲搥背  
合和藥一劑差覺醫可愛  
辛苦服三苓本草出袖內  
江湖計已輟攝生理固在  
誓將乞神農止樊永潛晦

舊種倔強松弱藤互勾棘上巢塌翅禽反哺形  
偪仄馴性年復年奚忍施繳弋似憐主人意當  
午叫不息博得二千石餘糧爲汝食

憶昔載遊具賢尹真吾曹春帆十幅蒲太湖行  
週遭百里洲上樹疎瘦如牛毛題詩大雷山詭  
蹟搜冥竅至今寒夢中洶洶驚波濤

退院赴齋期緇流澹孤蹤禪派話靈嶽方袍策  
短筇功德離垢幢竦然聞清鐘秋光妙渲染溪  
雲洩陰濃變雨忽不雨朶朶簷際峯

比日嘗過  
梵天講寺

爲散疾  
之遊

前江後山書堂修竹十五竿爲人刪除作  
詩惜之

簾簾青竹竿環繞江上宅移自剡中僧歲之攝  
提格略除蟲蠹侵不計土肥瘠我無食肉相稍  
喜共蕭索微陽蔭檻隅涼吹通林隙娟秀若翠  
葆婆娑悅媚嬾今秋遊故鄣羈旅成俗客負此  
十五竿苦節抱孤直可憐遭劓去束縛竟拋擲  
寧爲簾與箕免受煎茶厄

四哀詩

而翁遠竄謫惡信來夢寐肉與骨相離袖有一



掬淚痛君投荒尋瘴癘  
犵獠地近復奔東都絕  
粒嵩陽寺七年賦零丁漫滅背上字蔡本馴

少壯藩邸遊晚歸嗇子遇粉本工小筆能箋爾  
雅誤逢逢羅刹江忽聞王公訃哀哉篆墓甄銘  
語賤子作叶丙舍繞沮如殘花剥如雨王璵

黑頭檠戟郎引我稱兄弟未解算錢刀恰諳食  
苦齋昨歲結清懽水嬉共秋楔隔世悲音塵朋  
黨失文藝齒冷同輩兒驕人只門第楊守晟

古樂栖神明撫琴卧巖藪絲中有木聲不生荆  
棘手嘗言海虞老指法非矯揉練心旦復旦天

乎奪長壽幽竈何時營撒絃瀝吾酒張灃

題鮑十四遊鄧尉探梅諸詩後二首

鮑清風是木腸兒銅井銅阮踐素期塔影湖光  
樹中見花香偏在裏頭時

方丈鐙明萬籟虛夙生慧業究何如開堂一語  
君叅否水底蓬塵山上魚

平望驛曉發過太湖

解纜畫眉橋川程浩瀾瀾乞得美滿風快如渡  
彭蠡聒天波空靈初陽樹迢遞回頭莫釐峰厭  
厭未梳洗

宿焦山

縹緲松寥山積翠下無路風籟鐘微茫鶴跡雲  
散聚如聞定中僧禪窟勸小住牽月濯巾餅江  
光漾高樹

廣陵客舍寄荅謝大遵王

一月閉門恒自飢連朝養疴嬾賦詩高僧送米  
苦難得殘客索書伴不知昨宵小飲酒人處拍  
浮笑記鮑陽語三十六陂清露香秋暑已被花  
銷去中年以往萬事輸豈惜齒痛鬚半枯柔絲  
織管領風味早衰吾欲稱老夫

南郭

連坳重阪近幽栖  
菜甲抽青自灌畦  
剛得天涼三日雨  
秋光如水草蟲啼

題方氏池上壁

憑欄送遠目積陰  
生陂塘水木自明  
瑟鳥鷺何拍張棊  
從嶽僧覆茶共蜀  
客嘗纖雨晚飛來  
晞髮池上涼

楊三十五過宿廣陵客舍

秋林正涼雨爲洗  
客衣塵而我襴衡  
病夫君原憲貧歲  
看華鬢改話到故  
山真今夜然鐙坐  
鄉

愁添一人

秋來

紈扇生衣捐已無  
掩書不讀閉精廬  
故人笑比中庭樹  
一日秋風一日疎

汪墳陳章見送真州舟中漫述二首

一夜風葉中聽雨  
聲不休既阻帆的  
的復掩鐙修修誰  
不惜游子騷怨含  
離憂去如楚江離  
弱根日以浮

他鄉樂亦苦淚滴  
杯酒間車有書滿  
檣橐無金兩鍰怯  
渡黃連港笑尋甘  
草山豈爲滑稽雄  
暫

爾啟客顏

孫憲遺米予于僧厨作粥食之戲報此詩  
學佛疲津梁辟穀乃不可長飢東方生胡能達  
青瑣遺誚桑下留俄悲菰間墮瑾戶類蟄蟲繩  
牀擁絮坐橘橘聞叩聲于思劇憐我三升分倉  
儲精鑿出揚簞作糜感殷勤瓦鉢撥宿火一飽  
計已奢何須炙車輶

月夜陸立劉乃大見過

一卷細注陸德明千鴟不醉劉公榮譚經飲酒  
得二友時顧寂莫僧寮清奇葩芬口義可取糟

北寓言理非誚獨我天寒夜失眠低頭泱泱霜  
月苦

閔華治酒送別

雷陂重相送餞席暫淹留人作浮雲笑酒生明  
日愁西風孤燭夜涼笛五湖舟繚白縈青外家  
山話越州

松陵雨泊

依然襆被返句吳踪跡荒涼似野鳬一夕菰蒲  
打篷雨聲聲引夢入江湖

懷人絕句三十首

漢陰丈人甘遜跡筆札奇奧驅變魑破費菖蒲  
洗煩惱三層樓上注蟲魚

數來武林作詞客市上獨傾酒百杯觀者圍場  
頓擣舌硬弓力挽顛如雷

杪櫺陰蔽菩薩泉壁挂鎖子空厨煙記得山中  
秋雨歇大家來看兜羅絲

宋元雕本積萬卷夫子著書游禁庭近不得意  
但高卧秋風吹老古槐廳

平生沈九嚴十六雕句鍊格超籬樊昨賦宮體  
更新變對君端欲把降旛



玉練槌香天氣晴秋來曾訪長官清蘋花百里  
快煙水柔橈一枝搖進城

流浪定悲朱邸改幽潛已遜鶴書徵年年送客  
徒爲郡支俸何人刻七經

詩文酷似梅歐陽七十授官君敢強不畏早朝  
待宮漏尺三汗脚滿鞢霜

季子豈長貧賤者逸經熟闕祕且奇縛帚箕中  
每來往尖頭僧請覆殘碁

嚼徵含商譜曲遲語兒溪畔憶爰絲渚禽喧聒  
無來客雨散秋堂長澤葵

解印真成衰謝翁  
會稽仙令等飄蓬  
左車作惡何人問  
只合抽身藥院中

今年專仿甘風子  
論畫老兄時見招  
漸漸斜陽平水閣  
簷花顛倒散魚苗

疎放偏能堅酒戒  
滑稽豈願曳華裾  
春城絃管春如海  
多少蛾眉笑喫虛

御紅千盞抵千團  
園主輕拋客惡灘  
三載歸來歸便去  
花開却讓別人看

慧郎赤牘踰淮至  
說道渠爺遽棄家  
移向軒轅臺頂住  
鹿牀輕載獨輪車

裝潢莊嚴賢伯仲畫中眞實辨精麤寒家一厨  
付火却只賸鉤金灌佛圖

談笑項侯妙天下撐腸拄腹多異書壯哉尚欲  
走輦轂鞭掉西風秃尾驢

一瓶顏色勝秋泉留待相逢話洞天落葉打頭  
如過雨倚江樓認孝廉船

陳三與我稱至友年復年來悲斷萍試問蕪城  
苦吟客落花憶否鮎埼亭

七年不見朱循吏往事漫漶如埽塵聞說休糧  
買山隱白髭鬚稱罷官人

片石岡巒各殊狀果然斌媚若煙鬟紛紛誇有  
空青府可敵玲瓏繹望山

琴傳樊氏古良工君趁涼颺彈塞鴻堂上槐花  
飄一寸七條絃在水聲中

沉湎直可呼黯伯朝朝醉死忘頽齡有時誑我  
說斷飲怕我上天囚酒星

蟬腹龜腸清若無九朝三食真仙儒井闌淘米  
日趁影一笑騰騰據竈觚

童時頑劣逃邛塾連臂比鄰蕭八郎不識春光  
是何物白薔薇底捉迷藏

散職舊銜冰樣清初刪首宿又發萌糟牀漉酒  
留客聽家婢合和骨董羹

收藏三百十種帖二舊搨浮古香乞君題遍  
極攷訂爛紙敗煤重開光

金牛湖上漲層巒烏榜紅舷昔共歡纔看拋壻  
過冷節落花飛絮滾成團

今秋鄖國歸來後即訪荒齋賭酒尊團坐繩牀  
夜聯句百蟲啼雨葉堆門

樂府十篇音節長衆中猥誦風騷狂莫教傳入  
京城去驚動龐眉老侍郎

畫蘭竹自題紙尾寄程五鳴江二炳炎

寫竹兼寫蘭欹疎墨痕吐一花與一枝無媚有  
清苦擲紙自太息不入畫師譜酬人分精麤妙  
語吾所取鈐以小私印署名隸書古半幅懸空  
齋色香滿巖塢隱坐整日看冷吟獨閉戶飲水  
張玉琴斜陽忽飛雨

江上遲厲二鶚

燒琴有澁聲昨夜雨不止嗒然罷空彈獨立當  
門水新漉酒一升冷熱味何似墟煙山葉中知  
君來曳履

近溪菴懷亦請上人

菴改團瓢形溪迷白沙路十年不來遊經行憚  
寒冱皛皛銀色雲盤盤螺髻樹夙愛軋氏癯永  
懷已公句可憐在山僧三徙城中住

曉登棲霞嶺歷水樂洞轉憩慧日精舍覓  
壁上題名汎湖而歸雜書二首寄昔年  
同遊王斐周京司直金士章厲鶚汪潭臺

諸朋好

幕歷雲空翠巘寬此間濟勝若驂鸞野梅苦竹  
無人見破曉冰霜各自寒

煙林葉盡聲如掃山鳥日高啼已空獨立吟成  
有誰和一方寒玉水丁東  
蛛塵蘚墨認依稀悵悵題名身世非坐對諸峯  
浸湖面黃妃塔下放船歸

宿韜光飛雨軒

隙塵抖擻上方眠飛雨軒中暫息緣試問蒲團  
琳長老可曾聽厭滿山泉

小善庵予別業也舊鑿磽确得泉涓涓泠  
泠厨僧常取供之因作是詩

摘泉鑿石根我家青芝臨源非黷而惡蒙蒙天



東坡先生集卷一  
十三  
奧府疾風中多纏怪木上欲齧洞深納積陰雷  
雨不敢洩入山瓢杓喧引供歲沃沃僧厨十二  
筒斷竹復續竹擊聲若礪硎高秋聚沆瀣三漱  
勞舌神可以消宿憊

臘月二十四日江上無事因出家醞要諸  
鄰翁小飲

曾讀逸民傳南邨舊隱淪清江圍屋樹寒雨對  
牀人歲晏藥苗路花開酒國春依然敦漢俗祭  
竈請比鄰

江上歲暮雜詩四首

內史書蘭亭絕品閱世久風流翠墨香得之獨

漉叟

舊爲劉山人所藏

楮爛字畫全光華神氣厚舊傳

七遺民淋漓跋其後惜爲老黠工名蹟已割取  
櫝去珠尚存何傷落吾手少日曾習臨摹惟羞  
新婦自看仍自收空箱防汙垢一事勝辯師未  
飲缸面酒

冬心齋中石刻禪帖

有物爬沙行合眼聽怪絕索索復苴苴天寒一  
夜雪撒鹽與鋪糶清曉生萬潔牀琴凍折絃巷  
門荒脫闌主人病耽愁澁縮中陰閉身比枯木  
僵心如宿火熱坐失江上山微茫辨明滅新添

空澗中泉聲日鳴咽雪

高生作畫圖送予還鄉土淡墨善工愁至情寫  
終古鬱鬱刺孤城悵悵飛小雨戢香江南山樹  
有別離苦恍聞吹浦笛又覺打津鼓吳艘一霎  
行朔風渡揚子叶抵家巾月深悶懷若墻堵展  
軸每思君何時奉清塵題廣陵高翔送予還錢塘山水軸子  
古鏡破難照中斂寒月精么錢薄無用上漬丹  
砂明嗟吾兩不如萬事忝所生可憐窮鳥賦鄉  
人多譏評戲荅楊三十五知

雪夜懷吳興姚秀才世鈺

密雪廳空閉明鏡葉掃多思君若櫛酒寒夜可  
來麼

書和靖先生集後

不婚不宦失津涯身後高名動慕嗟畢竟有人  
廬舍側俸錢治墓服總麻

冬心先生集卷第一

雍正癸丑十月開  
辦于廣陵殷詩廟

冬心先生集卷第二

錢塘金 農 壽門

章正繡江亭寄杭孝廉士駿桑貢士調元  
賺得閑情半日看繡江亭似散花灘綠差差水  
鄉心動只少東邊鬪鴨闌

樊川雪後至西坡庵尋陳文貞公題名  
餘雪媚樵徑精廬策杖行眼明半峯影心洗百  
泉聲馴鶴襪襪立朝曦曖曖生樊川陳閣老巖  
壁有題名

與陳學士壯履晚食戲成二首

漫道蕭娘纖指同熏人辛味出柈中何能強食  
過三斗酷吏寧逢屈突通

昇仙事渺髮斑斑銀押生光飮坐閒我是江南  
未歸客一拳如見潤州山

雪虐風號餐飲凍醅圍爐偏向夜深來可知印綬  
尋常物只博丁郎啗百枚

### 春雪

春雪玉塵飛春風柳絮稀薄寒欺網戶清豔妬  
羅幃斂袂奩基掩哦詩篝火微小遊仙有夢今  
夕降真妃

伎席詠落梅二首

比翼青禽去不回  
花枝轉惜十分開  
粉絲已退  
衣香減空捧銀槎唱落梅

離笛含愁綺席春  
橫汾咫尺隔芳津  
而今月地  
雲階別玉女  
牕中夢綠塵

匠里

匠里聚邨落  
高春湛露晞  
溪清鑒堯韭  
山野賸  
周薇風以淳  
初古人多道  
勝肥耦耕  
今不廢椒  
醕共春析

聖王坪



訪道通幽象仙山視聽殊鶴鳴知子午松吹叶  
笙竽香霧迷三里天漿散百觚肯教容易別瓊  
月閉金鋪

石淙院與禪人茶話

虛空同暝坐豎拂老湯師一夕莊嚴論三生茗  
果期花宮何窈窕藥樹自逶迤不厭春泉沸淙  
淙檐下垂

桑林

遺蹟桑林舊熙熙物態舒地猶傳谷飲人半雜  
麋居匱巾春山遠冥濛杜雨餘回瞻請禱處如

侍六龍輿

吉祥寺泉上十韻

新霽來山中精舍騁遊眄始入灌木陰稍深冷  
風善維南豁平疇極西從聳浮巘靜雲一族居幽  
澗衆流行沈出浸淺莎濫時破重蘚滴滴靈液  
華洎洎連珠演手斟不亂清口飲有廉辨即此  
澹交訂君子意非舛惜哉無名緇綠塵鬪茶薜  
明朝續水綠石鼎攜松篴

過北碕精舍得宋高僧手寫涅槃經殘本

即題其後

欲嘗米汁來禪扉孤松解帶剛十圍向日苾芻  
香馥馥馴禽相對無妄飛懺堂拭案白拂揮漆  
龕朽壤生蛆蟻殘經一卷認依稀口誦深悔前  
毀誹彼國長者忘是非文字不作陰符機聖僧  
手寫心弗違朱絲闌好界畫微法王力大書體  
肥肯落人閒寒與饑閱歲六百方我歸如石韞  
玉今吐輝此中妙諦多福威昆明浩劫增歔歔  
緋桃花下喜雨

東風作惡春無據花上浮塵吹不去忽聞好雨  
淅淅鳴虛廊灑瓦天將曙轆轤井畔紅崢嶸天

桃漸破含笑迎一枝半葉三沐浴從此穠華分  
外生

伎席

丁香花弱飄成泥東家蝴蝶西家飛春風三月  
細馬騎秀靨破玉雙睂齊下馬入門戲牽衣繡  
韉餘煖無人知舫船鱗鱗一棹迷琵琶笑撥月  
色肥金源曲子聲如絲外洋粉巾來索題釵光  
鬢影紅袖圍冬郎豔體賦贈誰銅螽暗咽烏夜  
啼醉鄉勸住歸不歸對面何須生九疑

蟾子

雙燭生花送喜頻紅絲蟠子漾流塵不結綺牕  
雕戶裏恰無人處上羅巾

山中吉祥草忽爾吐花抽莖高出葉上連  
綴紫萼若排栗然竊之妙香逆鼻真祇  
林幽品也古老嘗云十歲始一開終鮮  
有見者今獲覩此實予之厚幸矣因賦  
轉韻五字詩記之

護草可忘憂青棠能蠲忿何如吉祥花伸眉開  
笑吻葳蕤抽亭亭攢萼明含龍燈一領紫袈裟恍  
對天台僧善相本端然忻忻若舊識莫使姮女

來亂汝好顏色澗風無絲聲逆鼻清香生轉恨  
九節蒲仙茸空負名

送賀十五德輿之辰州

五月沅陵道毒淫多畏途滑稽齊贅壻潦倒楚  
狂夫霧嶂砂牀暗蠻溪銅柱孤此行悲老馬誰  
與秣青芻

送性原上座還青浦

夢醒槐根日未晡願聞妙法闡醍醐石人閉口  
寧相妬蓮子空心自不汙成佛莫教靈運後彌  
天得似道安無袒肩持盞師歸去如蓋涼雲薛

澱湖

攜客步至七柿灘望樊山

各領清涼味  
惛惛邛塢深  
沁脾向花水  
張腋立風林  
君作洛生詠  
我彈越客琴  
芙蓉山九點  
濃翠撲衣襟

梅子岡

引眺梅子岡  
林端曲盤上  
雖無一鶴隨  
已與孤雲往  
飛瀑暢秋源  
前山開翠幌  
叉手立移時  
庵門揭茶牓

石間道院

屣屣俯石間赴嶺得幽造花癯向夕斂水活入  
林冒願要白兔公齋房誦真誥啖芝七孔明心  
光翳盡掃

### 遊王屋山

不駕短轆車不騎伏櫪馬手拄猢猻藤獨遊到  
巖下松枯風棱棱亂石如墮星留我三日住雲  
白山轉青衆山列修眉野雲覆成幄朱衣鳥一  
雙其音奏韶樂靈藥滿目前傳聞灌香泉年年  
長芝朮仙官亦種田

### 尋王尊師草堂



遺蛻懷仙史翠微通草堂何時安藥臼于此置  
繩牀叩玉陰泉出如人雙樹長嗒然白雲外巾  
舄得清涼

水經注云析城山中有二泉東濁西清左  
右不生草木今遊斯地但見灌陰鬱莽  
而已靈源故道失其所在感賦此詩

峭閣飛梁想洞天山中遺跡已千年無端草木  
叢生綠不見東西清濁泉

樊口西郊行藥

何處病眼開荒荒割昏膜不著比正衣尚留居

土屨樊上得延佇信步歷榛薄孤壑清磬空諸  
峯白雲各此閒微徑僻斜景閉墟落誰識地隱  
人時來一行藥

龍涎香二首寄吳秀才焯厲孝廉鶚

氤氲盤臯驗香煤如帶龍堂曉霧來懶與人閒  
鬪檀麝夕熏睡鴨已心灰

方壺島客渺難逢一餅淒涼話故宮南渡銷亡  
天水碧空傳樂府補題中

憶康山舊遊寄懷余

元甲高翔馬曰楚曰

琯曰璐王士慎

曩哲風流地朋遊數往還飲盟無筭爵花社一  
家山談藝揮犀柄填詞按翠鬟相思渺天末腸  
斷茱萸灣

寄丁敬

被褐臧榮緒耽貧范史雲立言敦雅頌取友別  
猶薰蜀郡草堂集陳倉石鼓文何年共幽覽矯  
首海鷗羣

懷吳門陸嶠

公子美無度讀書吳郡閒門留鬱林石牀對小  
雞山終歲淹秋駕何時綴玉班殷勤通旅夢細

雨穆陵關

吳江朱志廣下第後聞作粵西山水之遊  
詩以懷之二首

席帽奚傷落羽悲  
曉辭魏闕又天涯  
白藤書笈  
單車出誰送  
才人沈亞之

玉笋瑤簫夢山態  
新離江正好  
浣縑塵桂林  
風土君須記  
聞說梅花也瘴人

遊天壇值雪

璚房璚室路幽微  
晨降雲輶萬玉妃  
記取年年  
石幢側  
仙人剪水作花飛

憩王屋山後十方院二首

斗室虛無隘九州蕭條還作采真游  
黃梅花坼融朝霰疑是銅仙鉛淚流

大椿靈餌話堯年鍊液升煙日馭前  
玉女投壺天一笑人間何苦種桑田

樊川梅花下獨酌懷沈助教閔述蜀中

一株忽見謝公墩無數花鬚綴玉痕  
香墮酒杯隨入口影斜苔閣正銷魂  
風塵不憚冰霜路家世應知水月邨  
驛使難逢空悵立故人芳訊隔彭門

東峪訪馬山人復圖卜肆

高顙稱狂客端居證道情  
避人華獨坐請雨東  
長生呼吸天關闢神明  
水鏡清探著兼布卦江  
國問歸程

寄贈陳徵君約

辭却三公位桔槔日灌園  
中林絕蕭艾隙地長  
葵萱避世子孫樂隔雲  
雞犬喧龍門山可到九  
曲探河源

春苔

漠漠復緜緜春苔翠管圓  
日焦欺蕙帶風落笑

榆錢多雨偏三月無人又一年陰房托幽跡不  
上玉階前

樊口

名山一百里樊口似丹丘巖戶雲孤注花源水  
四周塵袂持隱訣松卧恣天游桑苧江南客風  
流老此州

寄家書呈江上諸兄弟

燧易星迴遠報書鄉愁如瘡笑驅除數莖白髮  
千杯酒九曲黃河雙鯉魚中歲弟兄貧亦好全  
家煙水夢何疎海鮮橋外樟亭路無賴春風三

月初

老子祠李花

月夜長明洗眼昏上清一氣貫仙根玉鈿霧縠  
休輕比恐汙玄元七葉孫

平定道中

雨後春流瀉黛脂李諱作頌託微辭行人飲馬  
來偷見一陣花飛妬女祠

悅公溪上紫藤著花

覆澗藤陰合開時瓊珞同百年無天闕三月正  
玲瓏弄色魚鱗上吹香佛鉢中吳興思髣髴花



瀨紫濛濛

晉陽遇同鄉李叟載通二首

記室相逢幕府清  
玉溪箋奏擅才名  
婆留鄉語聽來熟  
恍在春風衣錦城

白髮蕭蕭映綠尊  
每談古蹟黯銷魂  
明朝殘樹殘山外  
一弔離宮賀六渾

遊晉祠

叔虞祠不改  
水木發清妍  
藹藹長生樹  
泠泠難老泉  
影如青繖立  
味在玉漿前  
更領涼堂趣  
風中揮七絃

次香山驛

香山驛斷飛狐口折臂難誇射鵬手昏靈昧眼  
脂流泔欲覓清陰少楊柳左驂右駢何足奇但  
恨匹馬行庭羸稊田米賤那得食短後之衣風  
披披吹角嘶笳本游邏忼慨悲歌有誰和百里  
宿店馬亦飢飲嚙滿腹槽下卧我心兀兀墮渺  
茫不隨騎吏隨編郎富春江上足煙水涼笛一  
聲汀草長

題青林溝所居

塵坱炎光晝已空投簪久羨濯纓翁鮮花活水

山中路輕筴織絺林下風烏榼一雙貧不廢金  
丹四百老彌工何年得遂茅茨約黛色玲瓏達  
可通

唐檢討繼祖除祠部郎中有寄

南宮典禮出蓬池星位推尊衆所知舊日文名  
沈家令新年官職趙中儀冰廳風冷披香早藤  
格花明退食遲若夢江湖應念我投竿釋褐渺  
無期

詠頻婆果二首

晚涼纔過浴蘭時一種甘香欲墜枝爲語玉溪

溪上女不勞紅豆寄相思

臙脂塗頰粉肌明瑤席新嘗別味清翻恨炎州  
鮮荔子祇同風露不同生

月夜紫薇花下有懷陸舍人慶元陳吉士  
師儉

如聞仙漏暗泉中冉冉芳蕤月浸空今夜應知  
宿清禁青綾客對紫薇翁

午亭山邨陳文貞公居里也去公薨後十  
五年予乃遊其門與嗣君學士爲筆札  
之徒每企公之清德餘風合乎古而不

可沒者因連綴成篇計得小詩四首較之夸毗無徵之音微有異焉

獨持清德道彌尊半飽

相國自號半飽居士

遺風在菜根

廐吏尚然思楚相棧車牝馬久無存

河嶽精靈絕代誇恥居王後論詩家辦香一脈纔如願蛛網梁塵拜絳紗

溪上青山接太行午亭便是午橋莊能消裴令生前憾繡尾魚今尺二長

令狐學士被恩齊趨步曾登白石梯夾道槐陰門似水雨餘好護舊沙隄

汾州于郎中灝遠貺隄廩戲報三首

古香清不醖一挺復一螺老夫亂塗抹却勝畫  
雙蛾

羊真孔草已矣書法以心爲師昨日墨池乾涸  
重開花更淋漓

蛇孫蛇子久摧枝那數松煙含綠滋磨向晴牕  
鉤石本崇徽公主手痕碑

過濟勝講寺

入寺戒壇古遠風吹塔鈴空廊且麤麤飯淨手獨  
繙經林瘦多病葉鶴孤自長齡連宵有山夢夢

見衆山青

湘中楊隱士茶寄遺君山茶片奉答四首  
茶稱仙掌夙曾聞白綃紅鈴達寄勤除却巢兄  
無別客開函疑有洞庭雲

安得中泠汲滿瓶楚狂毀後愈芳馨煎時若入  
薑鹽味豈異羸秦施五刑

明燼山容茜茜蒼天疎寮涼院證因緣笑他紗帽  
籠頭坐水厄虛名直浪傳

八餅何須琢月輪不如細啜越瓷新漫憂銷耗  
通宵醒元是秋堂少睡人

東岡卧病

蟾蜍兩歲照秋林忽忽奚堪百感侵久別金莖  
分草露頓忘碧海守蹄涔西方尚競椒蘭氣北  
里新除鄭衛音敢與王郎比朝隱愛閑多病閉  
門深

秋雨小止雜書遣懷簡陳學士三首來日  
擬作九女臺之遊

層館竦且清人定無喧黷合抱樹鬱鬱連陰雨  
淋漓滴如寒漏聞夜比華池獨校書燭幢幢恍  
陪玉堂宿



先生慕渴羌飲酒若決渠山中時拄笏花底仍  
懸車近從農圃言續記齊諧書物理不可測朽  
瓜化爲魚

玲瓏洞陽東前月窺天柱縹緲王屋西昨秋踵  
靈府晨擬導沁流遐矚希風古攬身九女臺峯  
峯弄睂嫵

十五夜對月有懷淮上舊遊

素華先夕淨雲霾忽到尊前分外佳已驗珠胎  
隨影滿可憐玉鏡借光揩西風一桁秋河路涼  
笛三更鴈齒階記得天涯流恨處照人頭白是

清淮

石閭曉起將遊洞陽山中

流影西斜月帳空披衣獨坐尚朦朧  
依人香草如湘曲爭旦清猿似峽中  
眼界明來千障失心苗開處九關通  
無煩市上壺公術好御仙山離  
台風

登陽臺觀

清齋朝盥入山行恍忽松幢葆蓋迎  
欲向月田除桂蠹願從雲海訪芝精  
心如絳闕三池滿足比青禽兩翼輕  
歌罷人間可哀曲陽臺觀側竊

留名

客來自覃懷見餉地黄奉酬十韻

客遊枋口來顏貌溫而癯遺我地黄好翠莖連  
根株言采藥櫃山經宿色不渝靈品彰土德流  
膏蘊精腴吾衰氣血耗六府如空鑪何能協風  
火兼之固機樞久服自奇效導行登天都入夜  
視有光心淵生寶珠抱朴語頗誕此物非青芻  
敢云飼老馬報君以良駒

往歲逢閻敏于襄垣道中旋即別去近傳  
流寓鄒魯間短句奉寄

去年芳草畔揮別上虎亭今夕涼波外相思小  
洞庭簫簫聞墜葉歷歷見明星試問東阿客曾  
招帝子靈

寄王三孝廉獎并訊城北舊游諸子

激箭風高落木初思君終日歎離居山重水渺  
雲難合春北秋南鴈不如八柱桂堂知習賦一  
牀湘管定工書壚頭嵇阮常相見亦念殊鄉野  
騁疎

晏歲山舍夜卧

峪中氣淒厲晏歲百端結木隕山趾寒泉枯溪

腹泄夜惟粥  
錦親書就燈  
旒閱通塞非不推  
吾生秉苦節

雙雀二首

交飛凍雀意相關  
啄穗悲啼往復還  
漫道不逢生處樂  
野田却勝紇干山

未許明珠逐後塵  
豈同寡鵠仰高冥  
烏桓城廢空倉冷  
誰唱雌雄雙白翎

白丈慶餘見招以豆糜爲食走筆記之

草蟲亂啼豆葉青  
溪雨變涼豆花明  
二七爲族極蕃衍  
莢肥偏向硯田生  
雖無畛域有行次  
秋

成不讓嘉禾名丈人年年自刈獲筐之筥之儲  
豐羸是日急雪大如掌冒寒招我勞邨氓一盤  
脫粟異舂碓菽乃熬粥藿作羹咄嗟而辦諳古  
法流匙滑潤含芬馨溫絮共歡致足飽奚用羊  
臠方登鉶此鄉昔聞閔仲叔弗求滋美充容形  
平居造席只周黨輒供斯食屏膏腥我與丈人  
稱至友調飢頓釋空腸鳴破冰得水漱口齒起  
立更覺迷晶瑩山中路斷見虎跡翔飈獵獵欺  
虛櫺

立春日答張巽

如苔池水將鎔色似火花枝已釀胎此日芹盤  
爭送菜春風暗裏逐人來

冬心先生集卷第二

雞正癸丑十月開  
雕于廣陵殷芻廩